

## EU solicita ao Concello de Baiona a remunicipalización do servizo de abastecemento de auga.

Escrito por Redaccion @valminorinfo  
Martes, 12 Agosto 2014 21:25

---

Esquerda Unida solicita ao concello de Baiona a remunicipalización do servizo de abastecemento do auga, unha vez rematado o contrato do servizo abastecemento e saneamento de auga de Baiona, o pasado mes de xuño. O coordinador local, Silvano Montes, estima que o abastecemento de auga a cidadanía “é un dereito esencial da veciñanza, que non pode quedar en mans dunha empresa privada”.

Engade que outra das razóns polas que a súa agrupación solicita a remunicipalización do servizo de abastecemento e saneamento de auga, é que segundo un estudo do Tribunal de Contas, o servizo de abastecemento domiciliario de auga potable, é un 10% mais caro cando se presta por concesión que por xestión directa para concellos do tamaño de Baiona. *“A isto hai que sumarlle que, segundo ese mesmo estudo, as perdas de auga cando se resta por concesión son un 30% maiores que cando se presta por xestión directa”*, sinala.

Esquerda Unida solicita que a administración local faga público o estudo económico que está a facer, e *“que segundo o alcalde, vaise a basear a decisión que tome o Concello”*.